

Odjeci presude okrivljenima za eksploziju u Mostaru

# I sačuvana čast, i krivac na slobodi

■ Nakon višemjesečnog iscrpljujućeg glavnog pretresa, u srijedu je končano presuđeno petorici okrivljenih za eksploziju u Mostaru. Ovo suđenje prepuno neočekivanih obrta ipak je najveće iznenađenje ostavilo za kraj, kada je Sudsko vijeće odustalo od optužnice za terorizam i krivično djelo kvalifikovalo kao teško djelo protiv opšte sigurnosti i imovine. Nova pravna kvalifikacija sa sobom nosi presudu od jedne do deset godina, pa je Sudsko vijeće u tom rasponu raspodijelilo kaznu okrivljenim. Tako je prvooptuženi Ahmed Zuhair osuđen na deset godina, Ali Ahmed Ali Hamad na osam, a Nebil Ali Ali Hila suočio se sa kaznom od šest godina.

## Obnavljanje procesa

Nakon presude juče je na konferenciji za štampu u Zenici reagovao Odbor SDP-a za Zeničko-dobojski kanton, čudeći se "novoj pravnoj kvalifikaciji optužbe. Takođe bilježimo u Zenici i pitanja kako je

## Suđenje prepuno obrta i neočekivanih odluka. Glavni optuženi još na slobodi. Odbrana oslobođenih razmišlja o odšteti za materijalnu i nematerijalnu štetu tokom pritvora

moguće osuditi prvooptuženog Ahmeda Zuhaira zvanog Handala bez njegovog prisustva. Pravno tumačenje smo potražili kod advokata Almina Dautbegovića, koji je na ovom suđenju zastupao Nebil Ali Ali Hilu i Ahmeda Zuhaira.

Naš zakon je predvidio mogućnost da se sudi u odsustvu, kao uostalom i nakon mnogih zemalja. Presuda Ahmedu Zuhairu služi kao osnov za privođenje. Ukoliko bi on bio dostupan istražnim organima, kompletan proces bi bio obnovljen - objasnio nam je Dautbegović.

Handalu najteže tereti priznanje Ali Hamada koje je on dao u istražnom postupku. Prvog dana glavnog pretresa, Hamad je rekao da je to priznanje iznudeno od strane policijskih istražitelja, ali je Sud na kraju ipak odlučio da pokloni povjerenje prvoj verziji.

## Nedostatak dokaza

Prema tom priznanju, Handala je zbog velikog novčanog duga natjerao Hamada na saradnju.

Hamad je na kraju i osuđen kao pomagač. Ali u nekom mogućem procesu protiv Handale, vjerovatno će postojati i drugi dokazi, neće biti dovoljan samo tretman iz istrage. Sud bi vjerovatno upitao zašto je Handala uopšte vadio mine u Željeznom polju? Takođe, on će se suočiti i sa činjenicom da je jedini imao motiv - osvetu zbog boravka u zatvoru hrvatske policije.

Dautbegovićev branjenik Khaled El Seif je oslobođen optužbe za terorizam zbog nedostatka dokaza, ali uz napomenu da će se optužnica ponovo pokrenuti ukoliko se pronađu novi dokazi.

- Još je rano govoriti da je on oslobođen, jer je ovo prvostepeni postupak,



Almin Dautbegović: Samo je Handala imao motiv

tužilac bi mogao uložiti žalbu Vrhovnom sudu, opreznost je Dautbegović, ali ipak insistira da nema dokaza protiv njegovog branjenika, jer se on u spornom periodu nalazio u Saudijskoj Arabiji.

Ipak, i pored nedostatka dokaza, El Seif je u pritvoru boravio od četvrtog novembra prošle godine.

-To je normalno, jer optužnica za terorizam podrazumijeva obavezan pritvor. Ali ako sve ostane kao do sada, moža ćemo se odlučiti za pamični postupak u kojem ćemo tražiti naknadu za materijalnu i nematerijalnu štetu tokom pritvora, najavio je Dautbegović.

Sl. A.